



INSURANCE AGENCY OF
BOSNIA AND HERZEGOVINA

Broj: 02-16-4-135-1/21
Sarajevo, 03.06.2021.

Na osnovu člana 17. Zakona o javnim nabavkama („Službeni glasnik BiH“, broj 39/14), člana 11. stav (4) Pravilnika o internim procedurama u postupcima javnih nabavki u Agenciji za osiguranje u Bosni i Hercegovini br. 02.3-02-2-62-1/17 od 23.03.2017.godine i člana 8. stav (1) Pravilnika o unutrašnjoj organizaciji Agencije za osiguranje u Bosni i Hercegovini br. 01.1-02-1/06, od 12.10.2006. i br. 02.3- 02-2-239-1/15 od 05.08.2015.godine, direktorica Agencije za osiguranje u Bosni i Hercegovini, *donosi*

ODLUKU

**o usvajanju Privremnog Plana nabavki za period januar-juni 2021. godine
Agencije za osiguranje u Bosni i Hercegovini**

1. Usvaja se Privremeni Plan nabavki za 2021. godinu Agencije za osiguranje u Bosni i Hercegovini (za period januar-juni 2021. godine).

2. Agencija za osiguranje u Bosni i Hercegovini, kao ugovorni organ, zadržava pravo da u Privremenom Planu nabavki za period januar-juni 2021. godine promijeni predmet nabavke, vrstu postupka, termina pokretanja postupka kao i procijenjenu vrijednost predmeta nabavke iz razloga utemeljenih na ekonomskim pokazateljima i opravdanim interesom za određenu nabavku. U navedenim slučajevima potrebno je da ugovorni organ obezbjedi finansijska sredstva (Budžet Agencije, odluke o privremenom finansiranju institucija za određeni period, odobrenje zahtjeva za promjenu strukture rashoda od nadležnog ministarstva).

3. Za sve nabavke predviđene Privremenim Planom nabavki obavezno je donošenje odluke o pokretanju postupka javne nabavke u formi i sadržaju u skladu sa članom 18. Zakona o javnim nabavkama.

4. Sastavni dio ove odluke je Privremeni Plan nabavki za period januar-juni 2021. godine koji sadrži podatke o predmetu nabavke, jedinstvenom rječniku javne nabavke, procijenjenoj vrijednosti nabavke, okvirnom terminu pokretanja postupka, odnosno zaključenja ugovora i izvoru finansiranja.

5. Odluka stupa na snagu danom donošenja.

6. Stupanjem na snagu ove Odluke stavlja se van snage Odluka br. 02-16-4-48-1/21 od 08.02.2021. godine.

Образложење

U skladu sa Odlukom o privremenom finansiranju institucija Bosne i Hercegovine i međunarodnih obaveza Bosne i Hercegovine za period januar-mart 2021. godine („Službeni glasnik BiH“, broj 1/21), Odlukom o privremenom finansiranju institucija Bosne i Hercegovine i međunarodnih obaveza Bosne i Hercegovine za period april-juni 2021. godine („Službeni glasnik BiH“, broj 22/21), te potrebama za nabavkom određenih roba i usluga, a

uzimajući u obzir raspoloživa finansijska sredstava iz Operativnih/dinamičkih planova Agencije za osiguranje u Bosni i Hercegovini (u daljnjem tekstu: Agencija), odnosno raspoloživa budžetska sredstva Agencije za period januar-juni 2021. godine, kao i izvršenje (potrošnju) u Agenciji za period od 01.01.2021. godine do 26.05.2021. godine, Agencija za osiguranje u Bosni i Hercegovini je sačinila Privremeni Plan nabavki za period januar-juni 2021. godine.

Imajući u vidu opisano činjenično stanje, odlučeno je kao u dispozitivu Odluke.

Dostaviti;

1. Odjeljenje za pravne i administrativno-tehničke poslove
2. Odjeljenje za međunarodnu saradnju, finansije, statistiku i aktuarstvo
3. a/a

DIREKTORICA

